



UNIVERSITÄTS-
BIBLIOTHEK
PADERBORN

Institutiones Canonicae

Schnorrenberg, Anno

Coloniae, 1740

Præfatio In hanc novam Editionem Ad Lectorem Candidum.

[urn:nbn:de:hbz:466:1-62040](https://nbn-resolving.org/urn:nbn:de:hbz:466:1-62040)



PRÆFATIO

In hanc novam Editionem

Ad Lectorem Candidum.

Sicut duobus potissimum subjecti sunt periculis Liberi posthumi, uno, ne paternâ destituti tutelâ eorum, qui illos tueri debebant, fraudibus portione hæreditariâ priventur; altero: ne post nonum forsan mensem editi tanquam illegitimi ab eadem repellantur.

Ita & Libros, qui sunt Sapientum liberi & fœtus partu tantò felice, quantò spirituales animæ potentiz utero materno & nobiliores sunt & fœcundiores, si post fata Authorum suorum obstetricante manu alienâ in lucem edantur, jure merito posthumos vocamus, eisdem, imò & majoribus non raro subjectos malis ac periculis, quàm liberi posthumi, quibus *D. D. Impp. ff. de lib. & posth. hæred. instit. C. de posth. hæred. instit. subvenerunt*; Libris verò posthumis ita subventum non est; experimur hos quandoque aut alieno ita immutatos ingenio, ut non posthumus ac genuinus Defuncti, sed potiùs novus Compilatoris fœtus, aut variis Patre suo Eximio indignis mendis & erroribus involutus ac difformis totus appareat, ita, ut hæreditatem doctrinæ, quæ defuncti laus est, & Posterorum utilitas, aliorum inscitiam aut negligentiam amissam doleamus.

Sortem hanc ante annos aliquot subierunt posthumæ Institutiones Canonice *Authore Sapientissimo Patre, admodum Reverendo & Eximio Domino ANNONE SCHNORRENBURG* (utimur Verbis Editionis istius

P R Æ F A T I O.

*in præfat.) Viro per omnia consummato , de re litteraria meritissimo , toti
litterato Mundo ob insignem Suam Editionem apprime noto. Titulos &
Laudes agnoscimus , augere nolumus Domestici , dum præconizant
Extranei ; ingemiscimus interim & ingemuimus , quod partus hic Can-
didi & Canonici Ordinis nostri Viri Eximii , ingenio formatus alieno ,
Juris Canonici minùs perito , ex vitioso Discipuli extranei pariter
indocti manuscripto prælo jam tum exiisset , antequam Reverendissi-
mus D. Abbas Noster p. m. interpellaretur pro edendi licentiâ , quam
randem post multas instantias & plurimas ad finem Operis cum Nota-
minibus alicujus ex Nostri rejectas Correctiones , facilitate tamen
nimis adhuc misericorde , concessit , damni , cuius causa non eramus ,
cavendi gratiâ ; Veruntamen Correctiones istæ , prout palàm est , dif-
formitatem tam grandem non deterferunt totam , remanserunt ma-
teriarum transpositiones ; mutilationes , sententiarum variationes ,
ineptus Juris citandi modus , oratio pro affirmante negans & è con-
verso , ac plura his similia , quæ foetum foetere faciunt , nauseam creant ,
Lectoribus etiam imperitis ; neque libet Juris Candidatis continuo ad
correctiones recurrere ; Cedunt quoque in dehonorationem Viri tam
impensè suprâ laudati & laudabilis , præsertim apud eos , qui vivum
noverunt.*

Quare , benevole Lector , pro publica , quam speramus , utilitate , &
grata Eximii p. m. Authoris memoria conservanda , atque si alicubi
passa forsan , restauranda , elapso nunc Privilegii Cæsarei Nobis
quoque insciis obtenti tempore hanc *Institutionum* , &c. Editionem
Operis posthumi adornavimus , quam etsi alteram dicamus , verè ta-
men prima & genuina est. Utere & vale.

APPRO.